



Broj: 06-14-14870/18

Datum: 22.03.2018. godine

Na osnovu čl. 14. stav (2), 18. stav 1., 25., 40. stav (1) i 64. stav (1) tačka (b) Zakona o javnim nabavkama BiH ("Službeni glasnik BiH", broj 39/14), člana 1. stav (1) tačka (a) pod (2) Pravilnika sa popisom ugovornih organa koji su obavezni primjenjivati Zakon o javnim nabavkama („Službeni glasnik BiH“, broj 21/15), Odluke o utvrđivanju plana javnih nabavki za 2018. godinu broj: 06-14-1388/18 od 23.01.2018. godine, Plana javnih nabavki za 2018. godinu broj: 06-14-1388-1/18 od 23.01.2018. godine, čl. 22. stav (3) i 23. Pravilnika o javnim nabavkama Ministarstva za boračka pitanja Kantona Sarajevo broj: 06-02-2257/16 od 21.01.2016. godine, postupajući po prijedlogu sektora za boračko invalidsku zaštitu od 15.01.2018. godine, ministar za boračka pitanja Kantona Sarajevo donosi

ODLUKU

**o pokretanju postupka javne nabavke za pružanje usluga praćenja povrata odobrenih novčanih pozajmica za rješavanje stambenih potreba boraca-branitelja Bosne i Hercegovine odobrenih na teret Budžeta Kantona Sarajevo za 2011. i 2012. godinu i koje su bile plasirane putem Balkan Investment Bank ad – Banka Srpske ad Banja Luka – u stečaju
OTVORENI POSTUPAK**

Član 1.

Odobrava se pokretanje otvorenog postupka javne nabavke usluga praćenja povrata odobrenih novčanih pozajmica za rješavanje stambenih potreba boraca-branitelja Bosne i Hercegovine odobrenih na teret Budžeta Kantona Sarajevo za 2011. i 2012. godinu koje su bile plasirane putem Balkan Investment Bank ad – Banka Srpske ad Banja Luka – u stečaju.

Procijenjena vrijednost javne nabavke iznosi 370.000,00 KM (slovima: tristotinesedamdesethiljada KM).

JRJN: Lot 1 – **66100000-4 – bankarske usluge**

Za provođenje javne nabavke osigurana su sredstva u Budžetu Ministarstva za boračka pitanja Kantona Sarajevo na poziciji 613800 "Izdaci osiguranja, bankarskih usluga i usluga platnog prometa".

Javna nabavka će se provesti putem otvorenog postupka, primjenom E-aukcije u skladu sa Pravilnikom o uslovima i načinu provođenja E-aukcije („Službeni glasnik BiH“, broj 66/16).





Član 2.

Tendersku dokumentaciju sačinjit će Komisija imenovana Odlukom ministra broj 06-14-2108/18 od 29.01.2017. godine i ista će biti objavljena na Portalu javnih nabavki zajedno sa obavještenjem o nabavci u skladu sa članom 14. stav (5) Zakona o javnim nabavkama BiH na bosanskom i na engleskom jeziku.

Član 3.

Kriterij za dodjelu ugovora je najniža cijena.

Član 4.

Otvaranje i ocjenu ponuda provest će Komisija za javne nabavke imenovana Odlukom ministra za boračka pitanja Kantona Sarajevo broj: 06-14-2108/18 od 29.01.2018. godine, u sastavu od 5 članova i sekretara, slijedeće kvalifikacione strukture:

1. Osman Smajlović, Predsjedavajući Komisije
2. mr. Belma Adilović, član Komisije
3. Velid Imamović, član Komisije
4. Rasim Duraković, član Komisije
5. Denalda Poljak, član Komisije
6. mr. Elzira Arifhodžić, sekretar Komisije

Član 5.

Za realizaciju ove javne nabavke zadužuje se Sektor za boračko invalidsku zaštitu Ministarstva za boračka pitanja Kantona Sarajevo.

Član 4.

Postupak javne nabavke provest će se u skladu sa Zakonom o javnim nabavkama, podzakonskim i internim aktima.

Član 5.

Ova Odluka stupa na snagu danom donošenja.

O b r a z l o ž e n j e

Odlukom o utvrđivanju Plana javnih nabavki za 2018. godinu broj: 06-14-1388/18 od 23.01.2018. godine sačinjen je Plan javnih nabavki za 2018. godinu broj: 06-14-1388-1/18 od 23.01.2018. godine, u kojem je planirano provođenje otvorenog postupka za pružanje usluga praćenja povrata odobrenih novčanih pozajmica za rješavanje stambenih potreba boraca-branitelja Bosne i Hercegovine koje su bile odobrene na teret Budžeta Kantona Sarajevo za 2011. i 2012. godinu i koje su bile plasirane putem Balkan Investment Bank ad – Banka Srpske ad Banja Luka – u stečaju.

Novčane pozajmice su bile odobrene od strane Ministarstva za boračka pitanja Kantona Sarajevo, beskmato, u iznosima od 10.000 KM do 50.000 KM sa periodom povrata u jednakim





mjesečnim ratama do najviše 25 godina, na način i pod uvjetima propisanim Uredbom o načinu i uslovima rješavanja stambenih potreba boraca-branitelja Bosne i Hercegovine („Službene novine Kantona Sarajevo“, broj 40/14 – Prečišćeni tekst).

Plasman je realiziran putem Balkan Investment Bank ad – Banka Srpske ad Banja Luka pri čemu je povrat dobijene novčane pozajmice osiguran institutom sudužništva (žiranti) prema bankarskim pravilima i platežnoj sposobnosti istih za iznos do 20.000 KM, a za odobreni iznosi preko 20.000 KM založno pravo na nepokretnost (hipoteka) koji je prema ugovoru iz 2011. godine bio utvrđen u odnosu 1:2, a prema ugovoru iz 2012. godine u odnosu 1:1,6.

Na teret 2011. godine je odobreno 100 pozajmica u ukupnom iznosu od 2.139.000 KM, a na teret 2012. godine je odobrena 71 pozajmica u ukupnom iznosu od 1.588.500 KM. Shodno dostavljenom izvještaju banke na 31.12.2016. godine od ukupno plasiranih 3.727.500,00 KM bilo je otplaćeno 784.630,69 KM.

Dosadašnji dobavljač Balkan Investment Banka d.d. Banja Luka, sada Banka Srpske ad Banja Luka u stečaju, te više neće moći obavljati ugovorene poslove.

Odluke o odobravanju sredstava je donijelo Ministarstvo za boračka pitanja koje je banci doznačilo sredstva po komisionom ugovoru, a krajnji korisnici su imali ugovorni odnos sa bankom. Ministarstvu za boračka pitanja su na osnovu komisionih ugovora sa stečajnim dužnikom (Bankom Srpske) priznata prava izlučnog povjerioca u stečajnom postupku.

U cilju nastavljanja postupaka praćenja povrata odobrenih novčanih pozajmica iz 2011. i 2012. godine Ministarstvo za boračka pitanja Kantona Sarajevo obratilo se upitom Agenciji za javne nabavke BiH i Pravobranilaštvu Kantona Sarajevo.

Od strane Agencije za javne nabavke BiH dana 08.06.2017. godine dostavljena nam je instrukcija po upitu u kojoj između ostalog stoji:

„U slučaju da dođe do raskida važećeg ugovora ili nemogućnosti realizacije ugovora od strane ponuđača, a ugovorni organ ima i dalje potrebu za istim predmetom nabavke, dužan je pokrenuti novi postupak javne nabavke, jer se Zakon primjenjuje na ugovore o javnim nabavkama čiji su predmet robe, usluge i radovi i koje dodjeljuju ugovorni organi definisani u članu 4. i 5. Zakona.

Dakle, Ugovor se zaključuje na osnovu postupka javne nabavke koji je proveden u skladu sa Zakonom i ne smije biti izmijenjen. Zakon ne poznaje Aneks ugovora. Zakon definiše postupke javne nabavke do zaključenja ugovora sa najpovoljnijim ponuđačem“.

Prema instrukciji Pravobranilaštva Kantona Sarajevo te uputama koje su im dostavljene od strane Agencije za bankarstvo RS-a na kontakt stečajnog upravnika, slijedeći korak u konkretnom slučaju jeste odabir adekvatne Banke (finansijske institucije) sa kojom bi se zaključio novi Komisioni ugovor usmjeren na povrat plasiranih sredstava, shodno odredbama Zakona o bankama FBiH („Službene novine Federacije BiH“, broj 27/17).

S obzirom na naprijed navedeno potrebno je provesti novi postupak javne nabavke u skladu sa Zakonom o javnim nabavkama BiH kako bi se okončao započeti posao.





Pri donošenju Odluke Ministar se posebno rukovodio činjenicom da je predložena nabavka neophodna i ista je planirana za 2018. godinu Planom javnih nabavki broj 06-14-1388-1/18 od 23.01.2018. godine, da su obezbijedena sredstva za isplatu, predložena odgovarajuća vrsta postupka, te da predloženi sastav Komisije po stručnosti odgovara predmetu javne nabavke.

Na osnovu utvrđenog činjeničnog stanja, odlučeno je kao u članku 1. ove Odluke.



MINISTAR

mr. Muharem Fišo

Dostaviti:

- Sektor za ekon.poslove i projekte;
- a/a.

